

MINISTARSTVO UNUTRAŠNJIH POSLOVA KANTONA SARAJEVO, ulica La Benevolencija broj 16, koje zastupa ministar unutrašnjih poslova Vedran Mulabdić (u daljem tekstu: Naručilac radova)

i

"GTR gradnja" d.oo. Mostar, Bišće polje bb, Mostar, koju zastupa direktor Adnan Krhan (u daljem tekstu: Izvođač radova)

Strane u okvirnom sporazumu saglasno konstatuju:

- da je ugovorni organ u skladu sa Zakonom o javnim nabavkama ("Službeni glasnik BiH", broj 39/14) proveo otvoreni postupak za nabavku izvođenja građevinsko- zanatskih radova na izgradnji policijskog objekta Srednje, sa ciljem zaključivanja okvirnog sporazuma.
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma.

Naručilac i Izvođač radova sklapaju:

OKVIRNI SPORAZUM

Član 1.

Predmet okvirnog sporazuma je utvrđivanje uslova za zaključivanje pojedinačnog ugovora o javnoj nabavci izvođenja građevinsko-zanatskih radova na izgradnji policijskog objekta Srednje. Postupak je pokrenut Odlukom broj 01-14-4-2708 od 29.03.2018. godine.

Odlukom broj 01-14-4-3701/18 od 11.05.2018. godine izabran je ponuđač za nabavku izvođenja građevinsko-zanatskih radova na izgradnji policijskog objekta Srednje, putem otvorenog postupka, zaključivanjem okvirnog sporazuma.

Okvirni sporazum se zaključuje na period od dvije (2) godine u skladu sa uslovima iz tenderske dokumentacije, ponudom Izvođača radova i stvarnim potrebama Naručioca radova. Količine navedene u specifikaciji su okvirne i važe za vrijeme važenja okvirnog sporazuma.

Ukupna vrijednost ovog okvirnog sporazuma bez PDV-a iznosi 325.804,16 KM, odnosno 381.190,87 KM sa PDV-om, od čega je za 2018. godinu predviđen iznos od 200.000,00 KM, a ostatak u 2019. godini.

Cijene su fiksne i ne mogu se mijenjati za vrijeme važenja ovog Okvirnog sporazuma.

Član 2.

Nakon zaključivanja okvirnog sporazuma, kada nastane potreba Naručioca radova za izvođenje građevinsko zanatskih radova na izgradnji policijskog objekta Srednje, sa odabranim izvođačem će zaključiti pojedinačan ugovor o javnim nabavkama.

Član 3.

Naručilac radova će ugovorenu cijenu plaćati Izvođaču u roku koji će biti definisan pojedinačnom ugovorom zaključenim između dvije ugovorne strane.

Član 4.

Izvođač radova je dužan da izvede radove u roku koji će biti definisan pojedinačnim ugovorom o javnoj nabavci koji zaključe Naručilac i Izvođač, u skladu sa ovim okvirnim sporazumom.

Član 5.

Izvođač se obavezuje da ugovorene radove izvrši u svemu prema tehničkoj dokumentaciji, propisima, standardima i normama kvaliteta koji važe za vrstu radova koje su predmet nabavke.

Član 6.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili omogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Ovaj okvirni sporazum se zaključuje na period od dvije (2) godine, a stupa na snagu danom obostranog potpisivanja.

Član 8.

Sva, eventualno sporna pitanja rješavat će se dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 9.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

IZVOĐAČ RADOVA
GTR gradnja d.o.o Mostar
GTR d.o.o.
direktor / Adnan Krhan
MOSTAR



NARUČILAC RADOVA
KANTONA SARAJEVO
Vedran Mulabdić
Ministar Vedran Mulabdić

Broj: 01-07-117/18

Datum: 24. 07. 2018

Broj: 01-14-6-5772

Datum: 26-06-2018